

南

山

山

山

光緒戊子夏月校刊

忍

此

南

忍

此

南

本齋藏板

序

南皮志創修於明萬曆時邑令李君正
華

國朝康熙十二年癸丑邑令馬君士瓊十
九年庚申邑令劉君址相繼續修迄今
百九十餘年矣余嘗於市肆購得明志
殘帙數卷條分縷晰考核詳雅雖非全
豹略觀一斑康熙志體尚簡要挂漏實

多蓋當時

詔修一統志大吏檄取州縣志乘限期敦迫
不暇詳覈故耳夫邑有志猶國有史家
有乘也古今沿革興廢時異代殊其中
士習民風兵農錢穀以及碩德名流忠
義節烈水旱災荒之變川渠陵谷之遷
無不纖悉臚列瞭如指掌凡以紀天時
戒人事信今傳後寓勸懲而興觀感也

况世遠年湮時逾近二百載不有文獻
奚以考盛衰鏡得失哉余家籍南皮者
垂六百年邑雖滄瀛一隅而燕友築臺
勝遊遺跡引經斷獄俊哲代興中年通
籍後恒思蒐羅軼事探討舊聞嗣以服
官京外此事遂廢今邑侯江蘇殷君芝
階樹森來蒞吾邑下車之始慨然以纂
修邑志為急務復延搢紳先生搜故牘

二

集往事參互考訂都為若干卷書成介
菊垞之京第走書京師索序於余余維
修廢舉墜賢有司之德教也矧風俗之
替興民生之利弊一切聲名文物政教
號令胥具乎是俾後之任茲土者有所
稽考而遵循焉寔吾鄉數百年之利賴
豈第接軫前賢備一方之文獻已也
賜進士及第翰林院修撰軍機大臣協辦

大學士刑部尚書張之萬謹敘

丙戌冬森攝南皮篆務會上臺檄脩邑志
查閱舊本自康熙十九年重脩後二百年
來記載缺如其間輿地域郭學校賦役雖
不盡變更亦間有損益又况人文挺秀畸
傑輩出或世德纘承或家聲振起或至行
光乎同里或名世萃於一門炳炳麟麟不
可枚舉而中經兵燹士尚忠義婦殉節烈
女全貞孝尤未可以更僕數於此而欲網

四

羅軼事搜採舊聞良非易易適邑孝廉潘
心潭震乙於同治初因通志

敕脩奉文採訪功甫及半猝構家難以歿其子
邑廩生修祚出採訪遺稿相示予閱其稿
雖未純備而取材甚富用是會商邑先達
張菊垞太守是為子青相國胞弟香濤制
軍服兄由名孝廉筮仕湖北其閔才大畧
有高世之志而淡於榮利退老林泉慨然

首為提唱誘掖獎勸不遺餘力籌費任人
發凡起例悉太守主裁於是張君敬甫懷
紀雲官詳侯君漢卿本杰劉君惠心有學
俊三壽齡等相率集資宮君楸三毓椿劉
君仁溥壽增齊君贊臣元慶侯君錫九本
榮余君陶卿鈞等廣為採訪其考獻徵文
刪繁就簡則寶坻傳聲遠廣文也其發明
義例釐定篇章則泰安汪謝階大令也其

五

相與有成終始如一則少尉朱崧生實身
任其勞焉維時外翰康靜山依仁奉差公
出不與其事而得其緒論亦足為法程戊
子夏邑志竣事同人囑序森竊維空疏謏
陋不學無術雖創斯舉而有愧斯文敢謬
附諸君子之列耶而由此前言往行記載
無忘潛德幽光流傳勿替則固諸君子之
盛德而森亦與有幸焉用述顛末以誌欽

佩云爾

光緒戊子秋日同知銜署知南皮縣事江
蘇殷樹森謹識

南皮縣志目錄

卷首

總志 舊序 舊跋 原修職名 續修職名

凡例 圖繪

天章

卷之一

輿地志 分野 疆域 沿革 年表 形勢

景勝 山川 河渠 古蹟 邱墓

卷之二

建置志 城池 公署 壇廟 武備 儲積

南皮縣志

卷首

目錄

坊表 津梁 市集 寺院 郵鋪 驛站

汛防

卷之三

典禮志 祀典 慶典

卷之四

學校志 廟制 祀位 祭典 學制 學署

學田 書院 社學 義學

卷之五

風土志 風俗 歲時 占候 祥異 物產

卷之六

賦役志 里甲 鄉都 戶口 田賦 額辦
鹽課

卷之七

職官志 封國 戚畹附 名宦 知縣 教諭

訓導 縣丞 首領附 主簿 典史 巡檢

以下俱附 武職 陰陽 學醫 科僧 僧會

卷之八

選舉志上 薦辟 進士 舉人 副貢 拔貢

優貢 恩貢 歲貢

卷之九

南皮縣志

卷首

目錄

二

選舉志下 例貢 各貢 仕進 武科 武進士

武舉人 行伍 捐納 投效附 封贈 武秩

封贈 廕襲 恩榮

卷之十

人物志上 宦業 忠義 孝友 鄉行

卷之十一

人物志下 儒林 文苑 藝術 隱逸 僑寓

卷之十二

列女志 賢淑 壽婦附 節孝 貞烈

卷之十三

藝文志上 詔制表 上書 書 議 辨
啟記 碑記 序 傳 跋

卷之十四

藝文志中 墓表 碑文墓誌附 墓誌銘 墓

銘 銘贊附

卷之十五

藝文志下 詩 詞附 著作

卷末

雜記

南皮縣志

卷首 目錄

南皮縣舊志序

國之有史所以表千秋之鑑者也邑之有志所以紀一邑之盛者也從來簡要詳核志林稱尙然不有所攷無以別真不有所採無以紀實處簡帙殘缺編籍渺茫之後欲輯合一邑之典確萃爲一書縹緗藝苑匪細舉也豈若齊諧博物等篇僅僅索幽奧侈浮豔云爾哉南皮號瀛洲一隅葢爾地本瘠滷俗近滄樸其間往詰時英萃隸蔚茂者代不乏人雖彈丸亦化區也余於辛亥夏承乏斯邑實茲土圉占厯有年矣勢事旣殊撫循匪易且余不

南皮縣志

卷首

舊志序

四

敏以弱齡學製重念長民司牧鳩育云勞錢簿遞郵諸種種何術以惠我皮黎熙熙攘攘羣安樂郊而厝薪運甓且媿昔人違事脩廢舉墜深屢表章之典缺如也雖然邑志弗脩一邑無光表章之責又曷可以已耶猶憶旁午之暇諮謀於薦紳鄉士爲余言邑舊無志曩曾故明令李君諱正華者經創脩卷帙詳要雅稱可觀續因燹燼秦餘版冊蕩然邑中間存先世手澤又皆蠹影蠹文徒嗟祀宋余嘗徧購遺帙手其一卷而披閱之不禁慨然慨息曰是洵斯邑之盛也夫是洵斯邑之盛也夫方

與邑中紳士謀厥經始尋事編輯會今

聖天子留念邊陲特允輔臣請令天下郡縣纂脩志書
煇炳序觀甚盛典也余乃復進紳士而諮詢之曰
太上立德其次立功其次立言述明故典本學士
事志流雖詹詹乎亦立言之一端也倘一邑勝紀
竟坐廢闕俾余不敏無所藉手稟承以報上檄則
是有司之愆也亦鄉士大夫之辱也咸曰唯唯於
是得邑明經侯生嘉意採葺凡在斷碑殘碣遺文
墜什拾於窳突贅覽者哀聚其若干卷而一邑之
建置沿革政教風俗山川文物盡爲臚目挈要標

南皮縣志

卷首

舊志序

五

附簡端越月繕竣邑概畢陳時有進說於余者曰
言不近略矣乎非也文不在博而在約詞不貴冗
而貴當是編也攷之前言參之近說以訂其真訪
之喬論披之巷語以稽其實毋亦竊比夫簡要詳
核之微意而又奚慮乎言之不長誌之近略也讀
是編者覽文晰義觀輿幅興置之情形依然禹貢
星分之瀛澗也敷賦絲繁簡之區畫依然周官納
禾之穗藉也詳風土事宜之得失依然職方登載
之紀略也觀人才文苑之茂美依然泮宮小大之
芹藻也而且官師備焉猶是紀雲紀鳥之初制物

產具焉猶是貴多貴少之精微志之有通於政顧
不偉歟抑余更有言焉莫爲之前雖微弗著莫爲
之後雖盛弗彰願茲邑人士儒術脩明於國淳風
隆蘊於鄉傳之麟閣登之輔史不有借志爲鑒而
光大之者乎則斯志也固以鳴一邑之盛而又
不
僅鳴一邑之盛也已足爲序康熙歲在癸丑朔日
文林郎知南皮縣事蜀晉城馬士瓊書湖父撰

南皮縣志

卷首

舊志序

南皮縣舊志序

從來不有作者無以端厥始不有因者無以觀厥成凡事皆然况一邑之志所關者大哉余承乏南皮三載於茲矣盛衰之機興除之大莫不於志攷之邑舊有志前令馬公重脩於癸丑之歲時奉

天子允閣臣請脩直省通志以成一統志縣實爲之權輿也余每披覽見其綱舉目張大小畢該若釐空之宿一舉首而在目中越今七載時移事殊當事者有原始要終之慮令各郡縣續脩焉蓋欲觀厥成云余捧檄從事兢兢焉惟恐無以勝是任爰諮

南皮縣志

卷首

舊志序

七

謀於邑之紳士耆老博採廣搜兆自癸丑以迄庚申僅七稔耳其間賦役戶口之增盛災變之昭著與夫人物品類之繁植雅士之贈答邱隴志銘之傳述日異而月新焉使無以表彰之不惟有負作者之心亦無以見因者之功欲以觀厥成也豈不難哉嗟嗟南邑爲瀛屬最爾之區地被圍占家鮮蓋藏屯衛雜處疆宇參差蒞茲土者每多鞭長不及之歎常念夫瘡疾之未起俗尙之未淳士風之未登於大雅蕩閑踰檢之輩狡焉思逞未能賣劍買牛賣刀買犢也閉閣以思替長吏之責也竊謂

邑無論大小事無論難易惟竭蹶以盡乃職圖報
斯已耳昔南陽好商賈而召信臣富以本業潁川
好告訐而韓延壽告以禮讓誰謂民之於吏不若
金鐵之在爐冶惟其所鑄哉茲緣續志之舉取邑
乘而翫之其善者可法而不善可戒核真剔偽綜
其綱而附焉彙其目而敘焉凡有切於利器用而
阜民生辨陰陽而滋蕃庶咸不得以雜穢而遺之
而况其大且重者乎其所載而詳者固然則其所
不載者亦可知已猶夫求金於沙斂而揚之求玉
於石剖而別之於以傳信經久善厥始也觀厥成
也此物此志也足以爲後來脩明者之訂證亦足
以爲

南皮縣志

卷首

舊志序

八

興朝珥筆者所憑藉雖然余惟考往鏡來補殘釐缺敢
曰述者謂明哉亦庶幾乎竊比之義云爾康熙十
九年歲次庚申仲秋之吉

賜進士出身文林郎知南皮縣事
中州古蔡劉址沈亭
撰

南皮縣志舊跋

湯 涇

夫國有史縣有志野史也蓋以識因革辨淑慝明俗尚垂鑒戒也志之所關尚矣吾邑舊乘歷有年所可嗣登記載者不之以頻遭兵燹續脩未遑與曠百年以待作者今

皇清混一疆宇奄有萬方幅幘之長於茲爲盛歲壬子允輔臣請脩一統志邑侯馬公謹奉憲行恪其迺事爰集師儒載詢父老按舊帙訪遺聞或得之士大夫蔡帳鄴籤或得之古祠宇殘碑斷碣合識大識小靡不蒐羅乃開局分類翦燭濡毫閱八月而

南皮縣志

卷首

舊跋

九

書成潤色裁定皆出自侯手挂漏者補之椎魯者文之薰蕕不混收懼其濫也葑菲無遺採恐其刻也至於事關風教者必三復致意焉麗而則簡而詳公而當龔黃班馬合爲一人煌煌乎一代之鴻章也展卷讀之見宦績所載則後之爲令者勸見科第所載則後之爲士者勸見名賢所載則後之爲德者勸見節孝所載則後之爲婦與子者勸返薄還醕頑廉懦立胥於是賴之或可佐一統隆平之盛治於萬一乎侯良吏也敷政甯人事事皆以精心運之志其一班也因志書成而並及之

南皮縣志舊跋

柴廷望

邑之有志猶國之有史也史以記善惡而勸懲在天下志以詳風俗而鑒戒在一邑是作史固難而作志爲尤難何也天下者一邑之積也使邑乘攷核失真去取鮮當直與穢史同譏耳余故以爲作志尤難於作史南皮在瀛東百四十里自

國家視南皮猶黑子之著面耳而天文之分野疆域之界限山川之形勢風土之習尙物產之滋植田賦之均輸戶口之蕃息祠署之儀度官守之名秩人材之登進與夫功德節義之著於既往皆其切

南皮縣志

卷首

舊跋

且重者莫不志乎見之邑雖僻壤亦未嘗略而不載也但地脈斥鹵旬日不雨則苦亢暘微霖連朝則病霖潦以是收穫難料其在豐年不敵鄰邑之半一遇水旱災祲民多逃亡而厥賦維均且視鄰邑之膏腴相等焉若之何民不貧且困也况經圉占之後投充例開沃土無存民半歸旂是昔日之治在興利而今日之治在革弊爲長吏者能不仰屋浩歎乎邑侯劉公天中名家也庚戌之役與不佞同捷春官謁選後擢南皮令方介治體留心民瘼百廢俱舉其尊人秦中太守政事文章足以彪

炳千秋客署中著作甚富侯克承家學其才能經
濟卽潤色

皇猷黼黻

盛治天祿石渠虛席以待當無不可而今日之脩殘舉
墜燦然畢張具窺一斑故其綜覈也物情備其取
舍也法戒彰其考據也根柢精其條例也纖洪判
豈不可以信今而傳後耶前志脩於康熙歲次之
癸丑越數載於茲而事績日增容可以無續之者
今

聖天子振興文治購求遺書徵天下風俗之同是刻雕

南皮縣志

卷首

舊改

七

紀載一邑而珥筆諸公亦將藉是而有所證云

南皮縣志原修職名

提調掌修

南皮縣知縣 巴蜀馬士瓊

南皮縣知縣 銅水劉址

同掌修

南皮縣儒學訓導 章武蔡秉健

裁定

順治辛丑科進士 湯涇

康熙甲辰科進士 黃得煊

康熙庚戌科進士 柴廷望

南皮縣志

卷首

原修職名

主

編輯

順治辛卯科舉人 吳維哲

康熙丙午科舉人 白學會

康熙乙卯科舉人 張作楫

歲貢生 侯煒

歲貢生元城縣儒學訓導 張大城

生員 後登康熙乙酉拔貢王子副榜 黃得煜

生員 張昕

參訂

生員 後成歲貢 崔渤

生員 後 成 歲 貢 侯 塾

生 員 趙 鑛

生 員 張 汝 詢

生 員 尹 士 美

生 員 後 成 歲 貢 湯 濂

生 員 湯 伯 麒

督刊

南 皮 縣 典 史 貴 池 桂 士 成

續修存稿

咸 豐 辛 亥 舉 人 潘 震 乙

南皮縣志

卷首

原修職名

三

鑒定

太子太傅文華殿大學士直隸總督等肅毅伯李鴻章

直隸等處承宣布政使司布政使 松 椿

正任永定河道署直隸按察使司按察使方濬師

直隸等處提刑按察使司按察使 周 馥

長蘆都轉鹽運使司鹽運使 賀正楨

直隸分巡天河兵備道 胡燏棻

二品銜特用道直隸天津府知府 汪守正

軍機大臣刑部尚書協辦大學士 張之勱

南皮縣志

卷首

續修職名

十四

道銜湖北候補知府道光己亥科舉人張之京

兵部尚書兼都察院右都御史兩廣總督張之洞

董修

南皮縣知縣癸酉科舉人江蘇殷樹森

纂修

慶雲縣知縣庚辰科進士泰安汪寶樹

南皮縣訓導辛酉舉人 寶坻傅金鏞

參閱

南皮縣儒學教諭 深州康仁

附刊

南皮縣典史 浙江朱同保

監修

知府銜候選同知 張愼

吏部主事辛酉科拔貢丙子科舉人 侯本杰

戶部主事 張官詳

光祿寺署正 劉有孚

道銜監生 劉壽齡

候選訓導增貢生 侯本格

協修

大城縣訓導廩貢 官毓椿

南皮縣志

卷首

續修職名

圭

採訪

威縣教諭廩貢 齊元慶

鴻臚寺序班庠生 劉壽增

廩生 侯本榮

廩生 潘修祚

庠生 余鈞

總校

庠生 許炳麟

校閱

山西候補典史 浙江韓潮

生

員

江蘇屈家瓊

候

選

鹽

大

使

江蘇言家震

附

貢

生

張純慶

文

童

許汝驤

文

童

崔思恭

文

童

曹玉琦

文

童

崔樹榛

圖繪

供

事

劉徽興

南皮縣志

卷首

續修職名

末

南皮縣志卷首

凡例

一舊志尅期成書筆尙簡略迄今又二百年邑人播孝廉震乙採訪訂正物就厓略未卒業而歿今藉孝廉舊稿爲藍本而以新採各條隨類編入所用體例悉遵府志稍加變通

一邑於同治七年捻匪破城圖籍燬於寇燹乾隆以後職官姓名無從稽核姑從闕疑以待攷補

一舊志所無而見於府志者今悉爲補入然亦有介在疑似之間者不敢冒昧遽登容俟博雅詳爲攷

南皮縣志

卷首

凡例

七

證隨後再補

一舊志每類總目之下各有小引今因體例不甚相符故概從削以省筆墨

一舊志間有無關要領原存稿本亦有繁冗蕪雜之處均略加刪易取其語簡而事詳未敢沒人之善也其有乖正軌不堪示後者悉爲節去以寓隱揚之意焉閱者鑒之

一所志各以類從總類之中又分數類其有爲數無幾不能獨成一類者則附於近類之後

一佳章誌墓累數千言節烈徵題哀卷帙若盡登

之閱者未免蹙眉作者易以形短茲特嚴加刪節以示片羽吉金之貴

一藝文固多琳瑯然亦有未盡愜意者非失之濫收緣邑志爲記事之書與著作尙有微別故不得不寬爲採取

一山川乃形勢名勝所關邑爲九河故道禹跡疏鑿昭然其見志固宜詳若山則自愚公移後千餘里內迄無壟斷然培塿亦山也今從舊志悉爲臚列一忠孝節義風化所關往往村氓窮嫠愚忠愚孝不盡合乎中庸之道然皆血性至誠只行其心之所

南皮縣志

卷首

凡例

六

安不求夫理之至當賢者之過終勝於愚之不及也今則有聞必錄以爲頑廉懦立之助

一壇廟載在祀典歲時報享代有隆禮其他鄉曲梵宇亦野老豚蹄之祝農功報賽之所也現在者固所不遺偶有廢圯亦存其址

一名人勝地世所爭豔往往不必確有其地其人父老傳聞學士從而傳會者亦有載籍所不見傳聞足補史傳之闕者蓋天下大矣人物多矣經史豈能盡載而無遺與其貴耳而賤目何若博取而兼收故能失之誇勿失之苛

如封鉅雋渤海府志刪去今仍列入

一藝文作者爵里字諡偶有所知卽爲註出若已見他處概不復註

一仕進無論捐保必係實在官階外官到省京官到部方能列入若虛銜翎枝及雖有省分並未到省當差者一概不入

一封贈原爲本人無彙可入係因子孫受封者若本

人有彙可入則於本彙首見之名下註明封銜

如進

士舉人並見則若已載人物或傳誌收入藝文則

於進士註明止註明見某處封贈彙中及本彙名下不復重贅


通域全圖

鎮出




東





會
 集
 此
 全
 免
 田


鎮
 安
 墓



五王總圖


鎮山氏學堂





三五



學



南
廟
全
圖

代下汪珊樹敬摹





回

三

學

天章

聖祖仁皇帝御製幾暇格物篇

九河故道漢唐宋諸家之說不一或謂在濟南境內或謂遠界永平而鄜道元謂九河苞淪於海以朕揆之其九河入海之處在天津之直沽而九河故道不出滄景二三百里間也蓋水性就下今南北之水以天津爲尾閭地最窪下雖數千百年中或陵谷變遷而其高卑大勢南北定位有必不可易者卽以禹貢之文考之可以斷矣禹貢曰至於大伾北過泇水至於大陸又北播爲九河疏云大伾屬魏郡黎陽泇水在信都大陸澤名南皮縣志

卷首

天章

三

夫黎陽今之濬縣信都今之深州大陸澤在今之束鹿界而河間在濬縣深州束鹿之北故曰又北也又九河旣道疏云平原以北平原今德州境言德州以上也漢書溝洫志許商云九河之名有徒駭胡蘇鬲津在成平東光鬲界中此三地今皆屬河間杜氏通典云鉤盤在景馬頰覆釜在趙郡景卽景州趙郡今涿易南古所謂燕南趙北也輿地記云簡河在臨津金史地理志云南皮縣有潔河太史河傳志所載九河故道之在河間境也又豈不彰明備著乎則天津爲同爲逆河入海之道無疑矣河自周定王時已南徙九河故跡亦漸湮廢後

人不能深究地勢多穿鑿傳會其指在濟南者既失之過南其指在永平者又失之過北而鄭康成據緯書謂齊桓公填塞入河以拓疆界其說益滋偽謬耳凡人讀書能正據經文考以古今形勢則諸家之說自有折衷夫河間古郡稱名已久其所以謂之河間者以其在九河之間也顧名思義又可知矣

御製南皮尹吉甫墓詩

弁序

乾隆辛卯

侍郎曹秀先遣祭周尹吉甫墓回召見請題詩以表之因成是章

表閭旌淑重時巡古墓遣官例致禋為請七言用彰德

南皮縣志

卷首

天章

五

遐思千載率馳神剛柔還以山甫勗孝友惟應張仲倫
虛說長年尙餘樹樂史寰宇記載墓有樹二株柯條鬱茂不覺其老俗呼長年樹詢之曹秀先今無有矣清風永世屬斯人

周卿士尹吉甫墓碑

在城西黃家窪

碑陽

鐫字共七行

御製詩

見上

大清乾隆三十有六年歲在辛卯春二月

經筵講官吏部右侍郎

臣

曹秀先敬書

碑陰

周卿士尹吉甫墓碑

大清乾隆三十有六年辛卯歲二月

皇帝東巡履南皮 命吏部侍郎曹秀先肅往周尹吉甫

墓奠酒如禮維時候補知縣 臣張鑑南皮縣知縣

臣顏天榮咸與於執事於戲吉甫周賢臣也秉為

憲之望擅肆好之長千餘年後

聖人優異加禮榮賁泉壤以為臣鵠其視此哉凡厥里人

墓田不耕樵蘇有禁即蒸民詩之四言乎允宜述

其事以詔來者新建曹秀先記并書

曹秀先 江西新建人由進士累官至經筵講官吏部右侍郎顏天榮 河南襄城人由

進士官南皮縣知縣視刻

南皮縣志

卷首

天章

三

張鑑 湖北江夏人由貢生累官至雲南臨安府知府今發直隸省補用張受長

邑進士累官至江西通省督糧道分巡袁瑞臨三府按察使司副使今假歸在籍

乾隆三十六年春

聖駕東巡特遣吏部侍郎曹秀先至南皮郊外致祭尹吉

甫之墓受長以本地薦紳駿奔從事禮成侍郎復

命

賜詩表墓謹依元韻敬用揚休

翠華過化舉虞巡天使遙臨奉

帝禋周室久湮元老墓

清時特表玉霄神萬邦嚴翼曾為憲百世風流自絕倫展

拜多慚張仲後永言孝友念先人

南皮 前任江西督糧道 臣張受長恭紀

乾隆四十五年春瞻拜吉甫先墓伏讀

御製詩敬竭葵忱恭和元韻俾我族類有所感興庶幾繼往開來無負

聖天子旌淑表閭之至意云

舜日重光遺扈巡褒賢稽古薦明禋

天章寵錫雲生彩

睿藻頒來嶽降神德協剛柔原比類行敦孝友更同倫當年作誦存三百奕葉清風啟後人

南皮縣志

卷首

天章

三

恭讀

御製詩注樂史寰宇記載尹吉甫墓前有樹二株柯條鬱茂不覺其老俗呼長年樹今無有矣仰見

聖天子懷古褒賢之至意不禁蹶然而興立即捐金百分交與張汴城茂才就近補種佳樹以時灌溉因疊前韻祝志相勉於有成云

御碑讀罷立逡巡愾想西周起肇禋肆好風來還似舊長年樹去已傷神

宸楓尚且思千載苗裔安能忘十倫願與邑中張仲後共培嘉梓善同人

博野

原任大理寺卿 臣 尹嘉銓恭紀

南皮西郊五里而近故有尹吉甫墓自周宣王時
迄今二千五百餘年固與荒煙蔓草同湮矣乾隆
三十六年春

皇帝東巡特遣曹侍郎致祭且

賜詩表墓爰大書深刻矗以豐碑洵屬

曠典越十載博野尹廷尉拜墓假館寒舍因而觀禮伏

讀

御製詩敬依元韻恭誌葵忱

時代蒼涼閱幾巡依然古墓列明禋清風作誦傳

南皮縣志

卷首

天章

三

千載

御筆題詩護百神此日輝光生馬鬣當年文武憲羣倫風

雲遇合需名世樛櫟慚為桑梓人

南皮 霸州訓導 臣 張景泰恭紀

同治六年十二月

諭崇厚另片奏請飭順天直隸各屬舉行團練等語團練
一事實仿堅壁清野之法聯絡民心以補兵力之不逮
乃梟匪倡亂以來如大城南皮兩縣之能辦團協勦者
甚屬寥寥可見各州縣平日於團練要務漫不關心以
致賊騎縱橫生民荼毒殊堪痛恨所有辦團著有成效

之大城縣知縣彭瑞麒南皮縣知縣武士選均著交部
議敘其餘各州縣及該管營汛經集匪竄擾不能率團
禦賊綏靖閭閻者卽著官文嚴查懲辦嗣後各該地方
文武紳民如有能始終不懈保衛地方者准由直隸總
督等隨時分別獎勵如各州縣營汛員弁仍前玩泄致
令安靖地方突有匪徒滋事及窩藏逸犯者卽著各該
管上司據實糾參將該營汛各官從嚴懲辦該管上司
亦不准扶同掩飾以副朝廷除莠安良之意餘著照崇
厚所議辦理

光緒十四年九月奉

南皮縣志

卷首

天章

三

上諭內閣

御製導達天人匾額一方

勅賜興化大佛寺謹敬懸掛

